

Partneriaeth Gogledd a Chanolbarth
Cymru Ymestyn yn Ehangach



North & Mid Wales
Reaching Wider Partnership



The Open
University
Y Brifysgol
Agored

Wales Cymru

Dysgu ar-lein am ddim gydag OpenLearn y Brifysgol Agored

Prosiect Ymgynraedd yn Ehangach ar gyfer Gogledd a Chanolbarth Cymru.

Taflen briffio'r prosiect - Ionawr 2012

Trosolwg cryno

Drwy OpenLearn, www.open.ac.uk/openlearn mae'r Brifysgol Agored yn cynnig y gronfa fwyaf o adnoddau addysgol ar-lein AM DDIM yn Ewrop. Mae dros 600 o gyrsiau gan gynnwys Cymraeg i ddechreuwyr, rheoli dyled, hanes Cymru, sgiliau astudio, mathemateg, gwyddoniaeth a channoedd mwy. Gan weithio gyda'r bartneriaeth Ymgynraedd yn Ehangach yng nghanolbarth a gogledd Cymru, bydd y Brifysgol Agored yng Nghymru yn cynnal cyfres o ddigwyddiadau hyfforddi a phrosiectau peilot i helpu pobl yn y gymuned i gael mynediad at OpenLearn a'i defnyddio fel llwybr tuag at ddysgu ffurfiol.

Bydd yn canolbwyntio'n bennaf ar ardaloedd Cymunedau yn Gyntaf ac yn ystod y tair blynedd nesaf, byddwn yn hyfforddi hyrwyddwyr OpenLearn ledled canolbarth a gogledd Cymru i helpu pobl i ddod o hyd i adnoddau am ddim a'u helpu i gymryd y camau cyntaf a'r camau nesaf tuag at ddysgu. Byddwn hefyd yn datblygu ein gwefan OpenLearn Cymru ac yn creu cynnwys newydd ar gyfer OpenLearn gan gynnwys mwy o adnoddau cyfrwng Cymraeg.

www.open.edu/openlearn/wales-cymru

Atebion i'ch Cwestiynau

Oes gennych ddi-ddordeb mewn pwnc newydd ac am wybod mwy? Neu efallai eich bod yn frwdfrydig am bwnc. P'un ai dysgu am bum munud neu am 50 o oriau rydych am ei wneud, cewch hyd i'r ateb ar OpenLearn. Ac mae am ddim.

Prosiect ehangu mynediad yw hwn, gyda'r nod o godi dyheadau a chynyddu cyfleoedd i'r rheini heb gynrychiolaeth ddigonol mewn addysg uwch a chaiff ei dargedu at y rheini sy'n byw mewn ardaloedd Cymunedau yn Gyntaf.

Beth yw OpenLearn?

OpenLearn yw'r gronfa fwyaf o Adnoddau Addysgol Agored yn y DU. Mae dros 600 o gyrsiau AM DDIM ar gael o lefel ragarweiniol i lefel uwch, ac mae pob un yn cymryd rhwng awr a 50 o oriau o astudio. Mae gan OpenLearn podlediadau a deunyddiau fideo integredig sydd ar gael o iTunesU ac YouTube. Mae ar gael i'w defnyddio yn rhad ac am ddim a gall gynnig llwybrau at ddysgu ffurfiol. www.open.ac.uk/openlearn

Ymysg cyrsiau OpenLearn mae; Cymraeg i ddechreuwyr, hanes Cymru, rheoli dyled, busnes, canllawiau sgiliau astudio, iechyd a lles, Saesneg academaidd, adnoddau asesu a channoedd mwy. Mae'r rhan fwyaf o'r cynnwys yn Saesneg, ond mae gennym rywfaint o gynnwys yn Gymraeg ac mae rhagor yn yr arfaeth. Ceir dolenni i'r holl gynnwys cyfrwng Cymraeg diweddaraf a phynciau sy'n ymwneud â Chymru megis 'Cymru Gyfoes' a 'Hanes Cymru' ar ein gwefan OpenLearn Cymru. www.open.edu/openlearn/wales-cymru

Pa mor rhyngweithiol yw OpenLearn? A allaf gysylltu â dysgwyr eraill?

Mae gweithgareddau rhyngweithiol gan y rhan fwyaf o gyrsiau a gall dysgwyr sy'n defnyddio OpenLearn gadw llygad ar eu cynnydd o ran cyrsiau drwy eu 'gofod dysgu' personol eu hunain, cysylltu â dysgwyr eraill mewn fforymau trafod, sefydlu neu ymuno â chlybiau dysgu ar-lein, a datblygu eu cyfnodolion dysgu eu hunain.

Beth sydd wrth wraidd y prosiect?

Drwy'r prosiect Ymggyraedd yn Ehangach hwn yng Ngogledd a Chanolbarth Cymru, bydd y Brifysgol Agored yn gweithio gyda phartneriaid ledled canolbarth a gogledd Cymru i helpu i feithrin gallu a gwybodaeth am OpenLearn mewn ardaloedd Cymunedau yn Gyntaf. Byddwn yn defnyddio'r dysgu anffurfiol hwn fel llwybr i helpu pobl i ddatblygu i astudio ffurfiol a dod o hyd i ddarparwyr dysgu priodol. Byddwn yn hyfforddi **hyrwyddwyr OpenLearn** ledled canolbarth a gogledd Cymru. Unwaith i hyrwyddwyr OpenLearn gael eu nodi a'u hyfforddi, byddwn yn eu helpu i ymuno â chymuned ar-lein i gael cymorth parhaus ac i ddatblygu rhwydwaith o gymheiriaid. Byddant yn cael y cyfle hefyd i ddylanwadu ar ffurf y prosiect fel y mae'n datblygu.

Pwy all fod yn hyrwyddwyr OpenLearn?

Bydd angen i hyrwyddwyr OpenLearn fodloni meini prawf penodol er mwyn dangos eu bod yn gallu cyflawni rôl hyrwyddwr cyn iddynt gael eu derbyn ar y cyrsiau hyfforddi. Fel hyn gallwn sicrhau bod yr hyfforddiant yn targedu'r bobl gywir.

Gall hyrwyddwyr fod yn bobl o blith y canlynol.....

- Gweithwyr neu wirfoddolwyr Cymunedau yn Gyntaf
- Tiwtoriaid neu hyfforddwy o sefydliadau a cholegau yn y gymuned
- Pobl yn gweithio ym maes dysgu oedolion yn y gymuned neu hyrwyddo dysgu a datblygu fel rhan o rôl eu swydd
- Staff llyfrgelloedd
- Cynrychiolwyr Dysgu'r Undebau yn y gweithle
- Unrhyw un arall â chysylltiadau yn ei gymuned neu ei weithle sy'n credu yng ngwerth dysgu ac sydd â diddordeb mewn helpu eraill i gael mynediad i ddysgu.

Bydd hyrwyddwyr OpenLearn yn gweithio'n ddi-dâl a disgwylir iddynt ymgymryd â'r rôl o fewn eu rôl broffesiynol neu wirfoddol arferol. Rhagwelwn y bydd bod yn hyrwyddwr OpenLearn yn ategu ac yn helpu i gyflawni nodau eu rôl bresennol.

Ble a phryd y cynhelir hyfforddiant hyrwyddwyr OpenLearn?

Byddwn yn cynnal sesiynau hyfforddi undydd ledled Canolbarth a Gogledd Cymru i hyfforddi hyrwyddwyr OpenLearn. Caiff y dyddiadau eu cadarnhau, ond mae'n debygol y cynhelir y sesiynau yn ardal Wrecsam (mis Chwefror), Gogledd-orllewin Cymru (Ebrill), Canolbarth Cymru (Mai) ac ardal Conwy/y Rhyl (Mehefin)

Sut y byddwch yn rhoi'r wybodaeth ddiweddaraf i bartneriaid am hynt y prosiect?

Byddwn yn dosbarthu gwybodaeth frifio reolaidd i roi'r newyddion diweddaraf i bartneriaid yn y gymuned wrth i'r prosiect ddatblygu a chadwch olwg am ein Blog Prosiect sy'n dod yn fuan.

I gael rhagor o wybodaeth am y prosiect, cysylltwch â:

Gayle Hudson g.hudson@open.ac.uk